



الحلقة ٢

١ . تفرغ الحلقة

النص	التوقيت
<p>بتذكروا هاد الصوت؟</p> <p>0:00</p> <p>كنت كثير استصعب ألقى التردد اللي بدي اياه براديو سيارتي.. اضغط عالكبسات وأغير بالأرقام لحد ما أوصل لرقم معين.. يستقر على الرقم، بسمعلي غنية ولا غنيتين وهوب بنرجع لنفس المشكلة: وشوشة بتخليني أرجع اضغط عالكبسات من أول وجديد...بتقدروا اتقولوا إنني قضيت أيام السواعة وأنا معلقة ما بين الترددات..</p> <p>بس لحسن حظي ولأني حد متلي، هالمشكلة مش موجودة بعالم البودكاست. اللي بدو يسمع بودكاست رح يسمعه بوضوح ومن دون أي تضارب بالأصوات لأنو طريقة الحصول على المحتوى مختلفة تماماً عن الراديو. ما في لا ترددات ولا أرقام. كل اللي لازم تعملوا انكم تدخلوا على المواقع الإلكترونية المعنية بنشر البودكاست أو انكم اتنزلوا تطبيقات البودكاست على هواتفكم.</p>	
<p>بشكل عام في ٣ طرق ممكن من خلالها الاستماع لبرامج البودكاست</p> <p>00:56</p>	
<p>١. أول طريقة بتعتمد على التطبيقات المتخصصة بنشر البودكاست: في حال كنتوا بتستخدموا هاتف ذكي بنظام تشغيل android بإمكانكم تنزيلوا التطبيقات التالية:</p> <p>Stitcher, Castbox, Google Podcasts, Pocket Casts</p> <p>وفي غيرها كثير.</p> <p>وإذا كنتوا من مستخدمي آبل فإضافة إلى التطبيقات تم ذكرها بإمكانكم الاستماع عبر تطبيق Apple Podcasts اللي رح تلاقوا منزل مسبقاً على أجهزكم.</p> <p>معظم هاي التطبيقات ممكن تنزيلها بالمجان</p>	01:08

01:46

٢. إذا ما بتفضلوا تستخدموا تطبيقات، بإمكانكم تستعينوا بالمواقع اللتي بتعتمد على مساهمة المستخدمين برفع المحتوى على الموقع.. بالإنجليزي منطلق على هاد النوع من المواقع User-Generated Websites.

أكثر مثال شائع هو: [SoundCloud](#)... ومع انو هاي المواقع مش شرط تكون مخصصة للبودكاست ولكن من الممكن إيجاد برامج بودكاست عليها.

02:15

٣. أما الطريقة الثالثة والأخيرة فهي التطبيقات الموسيقية مثل [Anghami](#) [Spotify](#) أو [Deezer](#). بطبيعة الحال هاي التطبيقات مختصة بالموسيقى ولكنها بتقوم أيضاً بنشر برامج البودكاست.

وفي حال كنتوا حابين تلقوا نظرة عامة على محتوى البودكاست بالمنطقة العربية بإمكانكم تزوروا موقع [البودكاست العربي](#) وهو عبارة عن دليل معني بجمع كل عناوين برامج البودكاست العربية .